

平定兩金川方畧

平

平定兩金川方略

一

一

平定兩金川方略卷之十四

十二月辛卯。

上諭軍機大臣曰。溫福攻得巴朗拉碉卡。在事官兵。俱屬奮勉。已降旨交部議敘矣。此次攻打賊碉。滿洲兵固爲勇往向前。但數僅二百。此外分隊進攻。貴州兵頗覺得力。其弁兵內。如有奮勇出色者。溫福亦當查明獎拔數人。以示鼓勵。將備內或有勞

續特著之人。並著據實奏明。請旨定奪。再總兵馬
彪帶兵放鎗攻碉。尙屬勇幹。如未賞花翎。著卽傳
旨賞戴。俾各將佐。知所獎勸。至摺內所稱酌留四
川綠營兵丁四百名。留駐巴朗拉防守。所辦尙未
爲妥善。我兵現在乘勝進攻。巴郎拉卽爲後路。四
川兵柔懦無能。見賊輒思退避。而該處路徑。賊番
最爲熟悉。萬一讓我兵旣過。賊復出而搶據舊碉。

川兵必不能奮力擊却。少有失挫。致阻我餉道軍臺。所關非淺。自當於黔兵內酌選二百。並派該營能事備弁帶領。與川兵同駐策應。於事方可無慮。至昨奏訊取賊犯噶塔爾等供詞。稱官兵攻得約咱之事。該處已經聞知。是賊中信息往來。頗爲迅速。若僧格桑知約咱一路。已不能守。而巴朗拉要隘。又爲我兵奪得。乘勢直入。賊酋失其所恃。計無

復施。斷不肯束手就縛。而現在美諾賊巢。尙有金川頭人二名。在彼管事。則兩酋之早相聯絡尤屬顯然。今僧格桑勢在窘迫。自必預窺金川。冀延殘喘。乃定之理。溫福等若能籌度賊酋去路。發兵邀截。使其不能漏網。便可易於成功。設逆酋已經駢走。卽勒兵向金川嚴切索取。索諾木若竟黨惡不獻。則當急請京兵協剿。速淨根株。惟在溫福等

之籌度機宜實力妥辦耳

壬辰桂林奏言。

臣

前因南路兵力不敷商同阿

爾泰奏請添兵八千名用資攻剿奉

旨著撥黔陝兵五千名迅速來川備用旋據溫福咨

稱續調黔兵二千名撥赴甲金達一路甘省兵

一千名撥赴曾頭溝一路其餘二千名俱調赴

西路軍營以資進剿則前項官兵五千名並無

餘剩。而所募新兵。僅有一千數百餘名。又因提
臣咨請添兵。已就近截留一千名。趕赴甲金達
接濟。所剩更屬無多。雖現在上緊招募。多寡難
以懸定。近接溫福抄寄本月初六日奏稿。內有
將來征剿金川。尙可於貴州陝甘二省各調兵
二三千名。令各省密爲預備等語。伏思三路進
攻。仰藉

天威。自可剋期竣事。第索諾木久與僧格桑狼狽爲
奸。將來移師問罪。該酋稍有抗違。卽當合集大
兵。力圖剿滅。溫福密派兩省之兵。實屬先事預
籌。有備無患。惟查約咱一路。滿漢兵練。共有八
千餘名。兵力不爲單薄。但分布要緊各隘外。臨
陣兵練。不及二千。未能充裕。卽今招有新兵。亦
多未經操練。祇可酌配舊兵。以資防禦。查南路

正急需兵。可否將臣前

奏黔陝兵五千名。

諭飭來川。以資攻剿。俾南路得以併力前進。辦理更爲迅速。奏入

上勅軍機大臣速議具奏。是日軍機處覆奏。臣等查

節調陝黔之兵。已足川省原奏八千之數。兵力不可謂不多。且據桂林奏稱約哨一路。原有兵

練八千餘名。其勢亦非單弱。惟因分撥防守過多。致所留不足供征剿之用。原係伊等辦理不善所致。今桂林既尙未進攻。雖多與勁兵亦屬無益。而溫福一路已攻得巴朗拉。統兵深入。是西路又較南路爲要。且溫福所帶僅有原調黔兵三千。尙恐不敷應用。現奉

諭旨。令書明阿由維州一路帶兵二千名。馳赴西路。

協助其餘三千名。仍令領兵之員迅速帶赴約
咱軍營備用。是溫福桂林兩路各有續進之兵
已足壯聲勢而資策應。且又有後調之陝甘兵
三千名。業據文綬等奏稱亦經選派起程。到軍
營後仍可聽溫福桂林酌量調派。統前後而計
所調各省之兵一萬一千名。兵力已爲壯盛。而
續經添調之兵原以備或須併剿金川之用。今

辦理小金川一事。自宜迅速進剿。剋日奏續。卽續調之兵。尙恐行程遼遠。緩不及事。豈宜復議添兵。應將桂林所請添調陝黔兵五千名之處。毋庸議。

上從之。

上又諭軍機大臣曰。桂林等於十一月二十一日。卽經攻得約咱。距此次拜摺之期。已踰兩旬。何以至

今尙無信息。桂林在彼安坐。所辦何事。看來桂林
竟是靜駐約咱。專待續調之兵。方擬前進。殊昧兵
貴神速之道。桂林一路。已有兵練八千餘名。雖云
分防各處。要隘何竟用至六千餘名之多。前次阿
爾泰等。分派過多。以致存兵太少。不敷進剿之用。
辦理本未妥協。而桂林到彼。何亦不知另爲調度。
仍令以有用之兵。置之無益之處乎。卽如此內章

谷一帶。與金川所侵革布什咱之地相通。固宜多
兵防駐。其餘碉卡。止應擇其扼要。留兵屯駐。極多
亦不過二三千名。此外原無庸處處分布。朕早經
鑒及。詳切傳諭。何以至今尙任現兵散處防守。轉
望續調之兵應用乎。且陝甘貴州所調之五千兵。
雖俱報於十二月初起程。然相隔路遙。卽兼程過
赴。歲內恐亦未能卽到。桂林豈竟思於約咱安坐。

度歲。置進攻爲緩圖乎。前次桂林統兵奪取約咱。
並續得東山梁礪卡。頗知奮勉。彼時賊人受創。膽
寒。我兵若乘勝進攻。賊必望風股慄。易若摧枯。而
官兵新勝之後。正當勵其銳氣。及鋒而用。今乃逗
留不進。坐致老師。不知師老則志墮。桂林卽未曾
經歷行陣。而於事理所在。亦可籌度而得。豈伊一
經擢用。不復黽勉自勵耶。前者桂林攻得約咱礪

卡距美諾賊巢不遠。惟虞無繼進之兵。因諭陝甘
貴州領兵之員。將所調兩省兵五千名。速赴約咱
一路備用。原期於事有濟。今桂林旣按兵不動。進
剿無期。雖多與勁兵。亦難迅速集事。而溫福攻得
巴朗拉。帶兵直進。已得制勝之勢。且其地距美諾
亦止一百五六十里。是該處又爲進攻正路。較南
路爲尤要。其緩急輕重。原屬移步換形。況溫福所